

## **Hotel Arctic igaffimmi pisortamik inussiarnelunilu aallussilluartumik pissarsiorpoq**

**Nerisassiornermik pikkoriffeqaruit ullunilu assigiinngiaartunik pisoqarfiusartuni aalajangiisinnaassuseqarlutillu, ineqartutsinnullu puigunaannerpaamik misigisitsisinnaaguit, taava illiuvoq amigaatigisarput.**

Hotel Arctic nunatsinni Ilulissani pinngortitarsuarmi kusanartumi, qaasuitsup avannaani, iluliarsuarnut Ilulissat kangerluaniittunut isikkivilimmiippoq. Nerisassiassat Kalaallit Nunaanneersut pissanganartullu ineriartortinnissaannut periarfissaqassaatit.

Pissarsiarerusupparput inuk nerisassanik ineriartortitsserusuttoq, isumassarsiullaqqissoq, siumut eqqarsarsinnaasoq, naammassinnikkumassusilik minnerunngitsumillu nangaanani pisortatut saqqumersinnaasoq.

Hotelip F&B-mi aqutsisoqatigiivisa sinneri ullut tamaasa qanimut suleqatigissavatit, soorlu makkunatigut: nerisassat sassaallitussat pilersarusiornerat, qanoq akoornisaat, nerisassiassanut atugassanut aningaasartuutissat naatsorsuusiornissaat kiisalu igaffimmi suleqatigiinneq.

### **Atorfimmi makku atuutissapput**

- Imminut naalagarineq – igaffik nammineq aqussavat
- Suliffik pilerinartoq akissarsiarissaarfiusorlu
- Sundhedsforsikring. Napparsimaleriataarnissamut sillimmasiissut
- Inissiaq atorfinittussamut naleqquttoq
- Ukiut tamaasa Danmarkimut sulinngiffeqarnek angalanermilu akiliunneqarnek
- Neriniartarfimmik ineriartortitsinermut periarfissat
- Nalliuttorsiortoqarnerani nerisassat qanoq katitigaanissaannut isumassarsiorneq
- Nammineq inuttut ineriartornissaq suliutigullu qaffasissumik inissisimaneq
- Hotellimi ukioq kaajallallugu ulikkaaqqasartumi annertuumik akisussaaneq

### **Ilinnut tunngasut**

- Igaffimmi aqutsisutut sivikinnerpaamik ukiuni pingasuni misilittagalik.
- Nunani issittuni sulinissamut piumassusilik
- Igaffimmiittut tamaasa ataqqillugillu tatigissavatit sulisullu suliarninnik nuannarinninnissaat isumagalugu
- Sulisut ataasikkaat piginnaasaat ilippanaateqarfiilu ataqqillugit suliarninnik tungaasigut ineriartornissaq isumagissavat
- Igaffimmi illit qitiusumik inissisimallutit ingerlatsissaatit
- Pisunut qanimut malinnaajuarnissaq ajornartorsiutigissanngilat
- Qarasaasialerissut Office pakke ilisimasaqarfigilluassavat
- Suliassat arlaqartut ataatsikkut ingerlassinnaassavatit
- Nutaanngorsaaneermik eqqarsaatigilluakkamillu nerisassioriaaseq pikkoriffigissavat



- **Tatiginartuuvutit ersarissumillu attaveqariaaseqarlutit**

Hotel Arctic akunnittarfiit sisamanik ullorialikkat avannarpasinnersaraat, 90-nik inilik, tallimanillu ullorialikkamik ataatsimeersuarterfilik, maannakkullu sanaartorneqarput illuaqqat arsarnernik isiginnaarfissat arfineq marluk, inissiallu feriartunut atugassiat qulit. Hotel Arcticimi neriniartarfiit marluupput, Brasserie Ulo aammalu neriniartarfissaq nutaaq pilersaarusiornera suli ingerlasoq, illillu igaffimmik aqutsisutut taassuma naammassiguni ilusissaa hotelip pisortaa qanimut suleqatigalugu sunniuteqaqataaffigissavat.

Neriniartarfinni sorpassuit ingerlanneqartarput katittorsionernut ataatsimeersuarnernut, pisullu suuneri apeqqutaatillugit nerisassiortarpugut, aammalumi ullup qeqqasiornerni unnukkorsionernilu immikkut toqqagassanik sassaalliisarluta.

Hotellimi aamma iffiorfeqarpoq, pujooriveqarpoq, mamarsaakkanillu nioqqutilimmik pisiniarfeqarluni.

Oqaatsit uku tunngaviupput: Angusaqarluarnissaq – nunatsinneersut – piviusunillu tunngaveqarneq

Hotel Arctic Nunatsinni timmisartuutileqatigiiffimmit, Namminersorlutik Oqartussanit pigineqartumit, Air Greenland A/S-imit 100 procentimik pigineqarpoq.

Sumiiffik avatangiisillu:

Ilulissat nunatsinni takornarianit tikinneqartartut annersaraat, Kangia, Unescomik illersugaasoq avatangiiseralugu. Ukiut tamaviisa takornariat nunarsuarmiit tamarmeersut uuntritilikkaat pinngortitaq tupinnaqisoq kulturilu immikkuullarissoq misigisassarsiorfigalugit tikittarput. Aasami maajip naalerneranit juulip naalerneranut seqineq kaaviinnartarpoq, piffissamilu tassani aneerasaartarfimmi nillataartunik imeruersaaserluni grillerinerit pisarput.

Ukiukkullu inunnik nerisassianik immikkut ittunik misigisassarsionernmik, issittumilu arsarnernik pinngortitamillu immikkuullarissumik takunnikkusuttunik hotelli ulikkaaqqasarpoq.

**Qinnuteqartut ingerlaavartumik oqaloqatigisarpavut, qinnuteqaatillu mail-ikkut nassiutiinnassavat.**

Atorfimmut tunngasunik apeqqutissaqaruit hotelimi pisortaq Morten Nielsen oqar. +299 538323-mut imaluunniit mailimut uunga [mn@hotel-arctic.gl](mailto:mn@hotel-arctic.gl) saaffigisinnaavat.

Qinnuteqaat CV-lu uunga nassiutissapput [mn@hotel-arctic.gl](mailto:mn@hotel-arctic.gl)

Tusarfiginissat qilanaaraarput.